

四庫全書

史部

# 欽定四庫全書

史部

欽定日下舊聞考卷

八十九  
九十

詳校官庶吉士<sub>臣</sub>范逢恩

檢討<sub>臣</sub>德生覆勘

總校官進士<sub>目</sub>程嘉謨

校對官進士<sub>目</sub>趙雲

謄錄監生<sub>目</sub>池大經

欽定四庫全書

欽定四庫全書  
下舊聞考卷八十九

鄭東二

湧出東便門有大通橋水從玉河中出波流演迤帆檣  
 往來可達通州二三園亭依澗臨水小舫從几案前過  
 林間桔槔相續大類山莊燕都遊覽志

燕都遊覽志

原至元二十八年郭公守敬上言大都運糧河不用一畝泉舊源別引北山白浮泉水西折而南經甕山泊自

西水門入城環漚於積水潭復東折而南出南水門合入舊運糧河每十里一置牐皆至通州凡為牐七距牐里許上重置斗門互為堤閘以過舟止水上覽奏喜曰當速行之于是復置都水監俾公領之首事于二十九年之春告成于三十年之秋賜名曰通惠公又欲于澄清牐稍東引水與北壩河接立牐麗正門西令舟楫得環城往來不就而罷

元名臣  
事畧

臣等謹案一畝泉有二一出昌平州西南新屯一



出

南苑此條及後條元史河渠志元一統志諸書所述皆指昌平之一畝泉與

南苑一畝泉無涉謹識於此

原高源遷都水監通惠河由文明門東七十里與會通河接置牖七橋十二人蒙其利

元史本傳

原至元二十八年都水使者請鑿渠西導白浮諸水經都城中東入潞河則江淮之舟既達廣濟渠直泊于都

城之漚上亟欲其成又不欲役及細民敕四集賽

集賽舊作

怯薛已注  
明前卷

人及諸府人興鑿刻日使畢太師淇陽忠武

王率其屬著役者服操畚鍤趨者如雲依刻而渠成賜

名通惠河上語近臣曰是渠非伊徹察喇身率衆手成

不亟也

元名臣事畧 按伊徹滿洲語新也察喇注酒器也舊作月赤察兒今譯改

原通惠河其源出於白浮甕山諸泉水世祖至元二十

八年都水監郭守敬奉詔興舉水利因建言疏鑿通州

至都河改引渾水溉田於舊牐河蹤跡導清水上自昌

平縣白浮村引神山泉西折南轉過雙塔榆河一畝玉泉諸水至西門入都城南匯為積水潭東南出文明門東至通州高麗莊入白河總長一百六十四里一百四步塞清水口一十二處共長三百一十步壩牐一十處共二十座節水以通漕運誠為便益從之首事于至元二十九年之春告成于三十年之秋賜名曰通惠先時通州至大都五十里陸輓官糧歲若干萬民不勝其悴至是皆罷之

元史河渠志

元史河渠志

原延祐六年十月浚通惠河

元史文  
宗紀

原天歷二年八月發諸衛軍浚通惠河

元史文  
宗紀

增通惠河之源自昌平縣白浮村開導神仙泉西南轉  
循山麓與一畝泉榆河玉泉諸水合自西水門入都經  
積水潭為停淵南出文明東過通州至高麗莊入白河  
上下二百里凡置閘二十有四護國仁王寺西廣源閘  
二西水門外會川閘二萬億庫前朝宗閘二海子東澄  
清閘三南水門外文明閘二魏村惠和閘二籍田東慶

豐閘二郊亭北平津閘三牛店溥濟閘二通州通流閘  
二高麗莊廣利閘二按新開通惠河碑至元二十九年  
八月興工三十年七月工畢平章政事吉勒展專董其  
事世祖聖德神功文武皇帝嘉其有成賜名通惠倡端  
建言圖上方畧者昭文館大學士中奉大夫知太史院  
領都水監提調通惠河道漕運事郭守敬也

元一統志  
按吉勒

展滿洲語怒也舊  
作蛟貞令譯改

增武宗至大元年正月以通惠河千戶劉察所領運糧

軍凡百二十人屬萬戶沁特穆爾兵籍

元史兵志按沁唐古特語大

也特穆爾義見前舊作亦因帖木兒今改正

原成化七年冬十月戶部尚書楊鼎工部侍郎喬穀上  
浚通惠河舊道事宜先是漕運總兵官都督楊茂秦每  
歲漕運自張家灣舍舟陸運看得通州至京城四十餘  
里古有通惠河故道石閘尚存永樂間曾於此河般運  
大木以此度之船亦可行先年曾奏欲于此河積水船  
運又有議欲于三里河從張家灣烟墩橋以西疏挑二

十里灣泊糧船以避水患者二事俱未施行今此河道  
通流其水約深二尺不勞疏挑惟用閘蓄水令運糧衛  
所每船二十五隻造一剥船自備米袋挨次剥運如此  
則運士得省腳費矣事下工部侍郎王復同太傳會昌  
侯孫繼宗吏部尚書姚夔等議謂通惠河道閘座若得  
開通誠有益于國計但地形水勢高下并合用軍夫物  
料俱難約度請命戶工二部堂上官各一員會漕運參  
將袁佑率識達水利官匠前往相度上以命鼎穀遂同

叅將素佑等親詣昌平縣元人引水去處及宛平大興通州地方三里河道將行船故迹逐一踏勘及元史并各閘見樹碑文所載事蹟稽考回奏云閘河原有舊閘三十四座以通水道但元時水在宮牆外船得進入城內海子灣泊今水從皇城中金水河流出難循故道行船須用便宜改圖除元人舊引昌平東南山白浮泉水往西逆流經過祖宗山陵恐于地理不宜及一畝泉水經過白羊山溝雨水衝截俱難導引其城南三里河至



張家灣運河口袁延六十餘里舊無河源正統年間因修城濠作壩蓄水慮恐雨多水溢故于楊橋東南低窪處開正通濠口以泄其水始有三里河名自濠口三里至八里莊始接渾河舊渠兩岸多人家廬舍墳墓流自十里迤南全接舊河流入張家灣白河其水深處止有二三尺淺處一尺餘闊處僅丈餘窄處未及一丈今若用此河行船河身窄狹淤淺必用開濬人家房垣墳墓必須圻毀且以今寬處一丈計之水深二尺若散于五

丈之寬止深四寸況春夏天旱泉脈易乾流水更少糧  
船剝船俱難行使兼且沿河隄岸高者必須剝削低者  
缺者必須增築填塞又有走沙急湍俱要創閘倘水淺  
少又須增引別處水來相濟若引西湖之水則自河口  
迤西直至西湖隄岸未免添置閘座若引草橋之水必  
須于大祀壇邊一路剝鑿溝渠亦恐有礙況其源又止  
出彰義門外玉匠局等處馬跑等地泉亦不深大抵此  
河天旱則淤壅淺澀雨滂則漫散衝突徒勞人力卒難

成功決不可開況元人開此河曾用金口之水其勢洶湧衝沒民舍船不能行卒為廢河此乃不可行之明驗也今會勘得玉泉龍泉及月兒柳沙等泉諸水其源皆出於西北一帶山麓堪以導引滙于西湖見今大半流出清河若從西湖源頭將分水青龍閘閉住引至玉泉諸水從高梁河量其分數一半仍從皇城金水河流出其餘從都城外濠流轉通會流于正陽門東城濠再將泄入三里河水閘住併流入大通橋閘河隨時開閉天

旱水小則閉閘蓄水短運剥船雨澇水大則開閘泄水  
放行大舟汎河道閘座見成不用增造官吏閘夫見有  
不須添設臣等勘時曾將慶豐平津通流等閘下板七  
葉剥船日驗可行若板下至官定水則大船亦可通行  
止是閘座河渠間有缺壞淤淺處須加修濬較之三里  
河工程甚省況前元開創此河漕運七八十年公私交  
便今若復興則舟楫得以環城灣泊糧儲得以近倉上  
納在內食糧官軍得以就近關給通州該上糧儲又得

運來都城與夫天下百官之朝覲四方之貢獻皆得直抵都城下足以壯京師萬年太平氣象矣疏入命下于

所司

明憲宗  
實錄

原十二年八月浚通惠河自都城東大通橋至張家灣  
津河口六十里興卒七千人費城磚二十萬石灰一百  
五十萬觔閘板椿木四萬餘麻鐵銅油炭各數萬計浚  
泉三增閘四凡十月而畢漕舟稍通都人聚觀是河之  
源在元時引昌平縣之三泉俱不深廣今三泉俱有故

難引獨引西湖一泉又僅分其半河制窄狹漕舟首尾相銜僅數十艘而已舟無停泊處河多沙水易淤不踰二載而淺澀如舊舟不復通

同上

原白浮泉今入清河一畝泉在甕山後已塞甕山下玉龍雙龍青龍等泉入西湖經高梁橋注皇城濠一自西流入內一自東會入通惠四里至慶豐慶豐十一里至平津慶豐地形高平津一丈許水陡絕故平津開則慶豐河身立見矣

病逸漫記

Dr. Samuel Johnson

徒妄假黑胥之說事竟阻壞正德二年復疏之功不就

水部

備考

原嘉靖六年十月巡倉御史吳仲言通州運河元郭守敬創建已有明驗今通流等八閘遺跡尚存原設官夫具在因而成之為力甚易而勢家罔利從中撓之或倡風水之說或欲絕灣民之利皆不足信夫漢唐宋漕皆從汴渭直達京師未有貯國儲于五十里之外者請以臣言下戶工二部定議修濬運糧河徑達京倉此興無



窮之利而杜不測之虞于計便上命戶部侍郎王軌工部侍郎何詔及仲董其事軌等上言地形從大通橋至白河高可六尺若大興工濬之深至七丈通引白河則漕船可直達京城諸閘可以盡罷此永久之利然未易議也為今之計惟應修濬河閘然從通流閘經二水門南浦上橋廣利三閘皆衢市闌閤中不便轉運從溫泥河濱舊小河廢堰西不一里至堰水小壩誠修築之令通普濟閘則徑易可省四閘兩關轉般之難上命即以

來春興工十一月禮部尚書桂萼上疏稱修通惠河不

便請改修三里河

明世宗實錄

原大通橋河源出自昌平州神山泉南會一畝馬眼二泉繞出甕山復匯七里灤即今之西湖東入都城西水門貫積水潭即今之海子又東至月橋入內府南出都城東水門過大通橋又東五十餘里至通州入白河此河元郭守敬由古水道開濬非自守敬創始蓋西山諸水由皇城東出每當山水泛漲由此而洩引之入白河

以濟漕運故置牐以時啟閉初非為行舟設也成化十二年平江伯陳銳不察其故建言修復憲宗皇帝命戶部左侍郎翁世資工部左侍郎王詔挑濬仍濬西湖諸泉以益水勢可放運船千餘直抵大通橋下既而水急岸狹船不可泊未幾即耗船退幾不能全遂不復行正德七八年亦嘗挑濬竟無成功蓋京師之地西北高浚自大通橋下視通州勢若建瓴而強為之未免有害非徒無益而已

桂文  
襄集

原上以桂萼疏示大學士楊一清張璁一清言通惠河因舊閘行轉般之法可以省運軍之力宜斷行之璁亦言通州河道經元郭守敬修濬今閘壩具存臣聞京城至通州五十里地形高下纔五十尺以五十里之遠近攤五十尺之高下無所不可濬甕山濬以蓄西山諸水引神山泉以合下流之歸紆迴以順其地形因時以謹其濬治此一勞而永逸計也成化十二年平江伯陳銳建議開修北河憲宗皇帝命大臣督理而河道已通運

船已至城外適有黑眚之異惑于訛言遂止識者恨之  
今欲開修北河因仍舊道誠易易耳況一舟之運約當  
十車每年運船已到則令剥運新糧未到則令剥運通  
州積糧庶京師充實永無意外之患矣上深然璵言至  
七年十二月通惠河成糧運既至者一百九十九萬三  
千八百有奇省腳價銀十一萬三千三百餘兩當扣除  
入戶部吳仲以運軍罷散請暫給三分之一俟一二年  
後并減歲運加耗以寬窮民庶軍民兩受其惠戶部覆

請報可

明世宗實錄

原嘉靖丁亥御史吳仲請修通惠河三月告成功上登舟觀之大學士張璁等聯句以聞上喜給光祿饌又分

御膳賜焉

帝京景物畧

原通惠河工完吳仲出知處州府事進通惠河志被旨

送史館采入會典仍令刊行

水部備考

增吳仲報河成因疏五事言大通橋至通州石壩地勢高四丈流沙易淤宜時加濬治管河主事宜專委任毋

令兼他務官吏聞夫以罷運裁減宜復舊額慶豐上聞  
平津中聞今已不用宜改建通州西水關外帝以仲等  
四閱月工成詔予賞悉從所請仲又請留督工部郎中  
何棟專理其事為經久計從之九年擢棟右通政仍管  
通惠河道自此漕艘直達京師人思仲德建祠通州祀

之

明史

原天啟元年閏二月巡按直隸御史張新詔言通惠河  
即元郭守敬所脩故道平江伯陳銳疏通之運船直達

大通橋下時為勢家所阻後因御史吳仲之言乃命郎中何棟吳嗣忠仍濬裏河計費纔七千兩而所省腳價十二萬若由大通橋至朝陽門三里其地平行閒曠倘導玉河之水稍溯而北至朝陽門量建閘座運糧徑至門下每歲可省銀二萬六千以三十年之通計之得七八十萬矣詔部議覆

明熹宗實錄

補崇禎己卯二月太監曹化淳議京城外開河以通漕糧自是年三月十九日起至辛巳六月所開河自廣渠



門起至大通橋運糧河北岸挑河長三千八百六十二丈又東直門外闕帝廟挑月河長二百七十丈闕虎營至闕帝廟大石橋挑河長三千一百五十一丈命內監千躍為河工總理而以兵部司官輪督班軍共用班軍二百三萬二千餘工五城兩縣募夫二萬九百餘名兵部侍郎吳甦視工以為勞費無益且傷地脈抗疏止之

春明夢

餘錄

原大通橋東至通州入白河開渠置閘而漕舟不行自

大通橋起至通州石壩四十里地勢高下四丈中間設慶豐等五閘以蓄水每閘各設官吏編夫一百八十名

造剝船三百隻

通漕類編

增大通河舊名通惠河元郭守敬所鑿俗亦名裏漕河本朝康熙三十五年濬大通河加築堤岸建滾水壩以洩水三十六年濬護城河引大通橋運艘達朝陽東直等門今東直門齊化門皆有水關通惠河水所由入也乾隆二十三二十五兩年再加疏濬漕艘之分運京倉

者實利賴焉

大清  
一統志

臣等謹案大通河為京運水道所集關繫甚鉅

本朝康熙年間特加疏濬復濬護城河增設水關於朝陽東直兩門輕舠剝運利濟攸宜立法實為盡善  
乾隆二十三二十五年屢奉

命濬治河流益加深廣轉輸稱便矣

原嘉靖中陶仲文卽真以祈禱用事請拆毀寺院沙汰僧尼焚佛骨于大通橋下穀城山房筆塵

原歐陽原功中書右丞相領通惠河都水監事政績碑中書右丞相喀喇鼎珠公自居平章首席既而陞左

相又陞右相被命領都水監事至正癸卯之正月迄今數年之中審治舊規抑塞新弊水政大修都水監長貳賓佐共具實蹟請于翰林歐陽玄文其事于石以貽後世玄曰丞相上佐天子下理百官日綜萬幾朝野政務莫非相業所經綸也奚獨于水政紀述乎其長貳賓佐進曰我國家之置都水也始于至元之辛卯丞相旺扎勒實倡其端當時聖君賢相為慮甚周為制甚密漢昌平白浮之水西流循西山之麓會馬眼諸泉潞為七里東流入自城西水門匯積水潭又東並宮牆環大內之左合金水河南流東出自城東水門又潞水之陽南會白河又南會直沽入海凡二百里是為通惠河置牕二十有四跨諸牕之上通京師內外經行之道置橋百五十有六牕以制蓄洩橋以惠往來乃即運糧提舉司車戶千四百五十有一隸監專治其事牕與橋初置于延祐中易木以石次第而械之命牕戶學為石工木鐵煉壘皆習其技歲械牕工與費若干有司會其凡而籍之

歲以為常約歲若干諸牐皆石一切工役取具牐戶不  
擾而集國計之不匱民用之不乏皆利賴焉近年有司  
擅以牐戶抑配各驛以給驛至元延祐以來祖宗之良  
法美意日就蠹壞今右丞相以聞有旨復還若干戶餘  
州縣之侵軼牐戶者悉禁絕之他戶有避徭役之類仍  
因而亡者咸復其舊故得水利不墮漕法不滯有關國  
計民用甚重也且通惠河之將入海也衝漳貫之溯漳  
西南涉瀛博之野南至于臨清堂邑之壩過壩而南為  
會通河盡豫兗青徐四州境上之水入海絕淮至大江  
而止二河相通其為水利溥矣有如京城西之金口下  
視都邑水勢如建瓴一蟻穴之漏則橫潰莫制守隄吏  
與牐戶晝夜分番邏視不瞻則借兵士于樞密所係尤  
重故水政之修牐戶之復亟相有功于斯甚大可無紀  
述乎玄聞其言乃考古而徵今都水在唐虞為澤虞在  
成周為川衡西漢太常大司農少府內史主爵都尉皆  
置都水長貳武帝置水衡都尉成帝置左右都水使者

東漢改置河隄謁者晉改都水臺又置前後中左右五  
水衡以五使領之劉宋置水衡令蕭梁改為大舟御宇  
文置都水中央大夫隋置都水臺使者尋復置監少監又  
改令少令唐沿革不一或稱都水局或稱司津監或稱  
水衡監或置使者或置都尉趙宋為都水監置判監判  
及丞主簿等員大抵掌川澤津梁渠堰陂池之政兼總  
舟航桴筏之筭就司其政以充用故漢太常諸卿各有  
水衡盡徵其入給俸祿所稱水衡錢是也聖代捐國家  
之厚費以利天下而秋毫不徵其資視古之都水有不  
可同年語者矣但歷代建都秦漢唐多都雍州關隘  
之險漕運極艱用水極少其後有都洛陽大梁不過濬  
洛入汴淪汝蔡入淮而已我元東至于海西暨于河南  
盡于江北至大漢水涓滴已上皆為我國家用東南之  
粟歲漕數百萬石由海而至者道通惠河以達東南貢  
賦凡百上供之物歲億萬計絕江淮河而至道會通河  
以達商貨懋遷與夫民生日用之所須不可悉數二河

沂沿南北物貨或入或出徧天下者猶不在是數又自  
崑崙西南水入海者遠出南詔之後歷交趾閩粵真臘  
占城百粵之國東南過琉球日本東至三韓遠人之名  
珍異寶神馬奇產航海而至或踰年之程皆由漕河以  
至闕下斯又古今載籍之所未有者也水政之重可不  
以重臣領之乎昔者舜舉十六相共治海內禹治水土  
益治川澤今之水政禹益蓋嘗司之然則重臣之典水  
政唐虞以來之遺事也歟玄職在太史紀載為宜右丞  
相喀喇鼎珠其名乃祖乃父三世宿德逮事列聖篤于  
忠貞數從王師戰金入隣多積功伐不妄俘戮不希寵  
榮有陰德餘慶施于後人丞相踵之數歷臺閣三十餘  
年清慎如一熟知國家典故及居台揆雅量鎮浮坐決  
大政不徵辭色百度自貞有古大臣之風來求文以紀  
其蹟者都水伊遜岱爾段達繼少監鄂勒哲特穆爾泰  
費音納色徹圖監丞索諾木巴勒策布哈實喇卜藏布  
穆爾濟延經歷沙克珊知事祁思道爰系以詩曰國治

水官象天元冥都水有政治國大經於穆皇元龍興朔  
方秉令天一並牧八荒乃據析津乃建神州囊括萬派  
衡從其流東瀋白浮遵彼西山即是天津流畢昂間西  
挹紫宮南出皇畿又東注海萬派攸歸東溟天池若為  
我瀦給我漕輓徑達宸居河濟淮江陳若指掌我鑒二  
渠利盡穹壤雖云盡利我則不征捐利利民治水水平  
維今右相自牖水政舉措不煩戶籍先正昔命牖戶習  
鍛習礪鍵木膠堊各程其藝制水有牖通道有梁息耗  
有則啟閉有常夫何牖戶俾役驛廐是求善書俾擊之  
肘相君既告牖戶內復每歲鳩工羣匠來族水政既舉  
國計以滋都人日用源委莫知彼水在國血脈在身百  
體輸精五官嗇神相為股肱水利實興榮衛不凝股肱  
宣能維相君量彭蠡大野汪洋淵渟安靜整暇維相君  
力砥柱龍門捍彼衝潰國之樊垣有力斯定有量斯寬  
變調雍容水溢旱乾重華在位禹益作相庶工底績百  
川是障世皇睿渠相曰完澤身先水官相彼原隰洵美



相君海內稱賢固俾哲輔專美于前六府三事治先乎  
水九叙雖作歌者太史太史作歌載以龜趺君臣都俞  
永作民郭圭齋集按喀喇昂珠舊作康里定住喀  
喇義見前昂珠舊作昂住係對音譯改伊遜蒙古語九  
數也岱爾牡鹿也舊作野素達爾段達繖舊作段定僧  
達繖滿洲語政也泰費音滿洲語太平也納地也舊作  
太平奴色徹圖蒙古語聰明也舊作薛徹篤索諾木唐  
古特語福也巴勒義見前舊作鎖南滿策唐古特語壽  
也布哈義見前舊作慈善化賓喇卜藏布唐古特語好  
智慧也舊作沙喇贊卜穆爾蒙古語蹤跡也濟延命也  
舊作馬兒吉顏沙克珊滿洲語  
狡獪人也舊作山山今俱譯改

臣等謹案歐陽原功碑文尚未審於河流之分合  
推其文義一似漳水曾入通惠河而會通河又似

曾與通惠合流者今案水經漳水由平舒縣南東入海胡渭禹貢錐指曰平舒在今大城縣界漳水北至天津注於勃海即古徒駭河之故道也蓋漳水獨流入海不與他河合至

本朝順治二年濬沱始由東鹿南入冀州與漳合為前此所未有原功乃云貫通惠者誤也又按明史河渠志通惠河由大通橋東下抵通州高麗莊與白河合至直沽會衛河入海衛河即會通河也二河

不過同至直沽入海耳若論其地則通惠河在直沽北會通河在直沽南中間並無合流經行之處亦不得謂之相通原功於水道未甚分晰故言之舛訛乃爾謹辨正之

又案朱彝尊原書所引原文脫落末二句今據析津志增入

原張璠楊一清同翟鑾侍駕汎通惠河聯句  
風好放舟已過三閘順安流璠恩沾賜宴流璠  
忘機問白鷗一清遠餉由來歸水國上游從此重神州  
鑾觀風不是耽盤樂莫訝今年兩度游璠  
張文忠集

原徐階夏日游通惠河詩 頌憶三江遠乘流意若何  
水深秋氣入樹密雨聲多熟果當尊落驚禽拂棹過柳  
陰催繫纜敬枕聽漁歌 世經堂集  
補蒲道源祭通惠河神文 維神主司靈源不溢不竭  
安其波濤利我舟楫何以報之牲酒肥  
潔神其鑒茲永永無斁 閒居叢稿

原元壩牆之名曰廣源牆西城牆二上牆在和義門外  
西北一里下牆在和義水門西三步海子牆在都城內  
文明牆二上牆在麗正門外水門東南下牆在文明門  
西南一里魏村牆二上牆在文明門東南一里下牆西  
至上牆一里籍東閘二在都城東南王家莊郊亭牆二

在都城東南二十五里銀王莊通州牕二上牕在通州  
西門外下牕在通州南門外楊尹閘二在都城東南三  
十里朝宗牕二上牕在萬億庫南百步下牕去上牕百  
步成宗元貞元年七月西城牕改名會川海子牕改名  
澄清文明牕仍用舊名魏村牕改名惠和籍東牕改名  
慶豐郊亭牕改名平津通州牕改名通流河門牕改名  
廣利楊尹牕改名溥濟武宗至大四年六月省臣言通  
州至大都運糧河牕始務速成故皆用木歲久木朽一

旦俱敗然後致力將見不勝其勞今欲為永固計宜用

磚石以次脩治從之後至泰定四年始脩完焉

元史河渠志

原宋襲都水監改修慶豐石牐記

牐於字為閉城門

具或曰以板有所蔽近代水工用之以時蓄洩水行船

世祖皇帝至元二十九年可昭文館大學士知太史院

領都水監事臣郭守敬圖水為渠曰通惠河貫京城迤

麗出南水門過通州抵高麗莊之壩為里二百視地形

創牐附崖壁及底皆用木凡二十四慶豐其一也後二

十年當至大四年諸牐浸腐宰相請以石易為萬世利

且請度緩急後先作則工不迫工不迫則周且固仁廟

勅準有司以次第舉由是至順元年始及慶豐之役都

水少監王溫臣率其屬分督程作日役士卒及土木金

石之工千有五百五十輸木萬章鐵以鈞計凡八百有

奇石材三千一百甓甃灰藻他物無算築基縱長百有

二十尺三分長之二為衡廣高二丈間容二丈二尺經  
始于是年三月之望粵六月十有五日告成繩矩中度  
完好緻密公私善之明年春監丞阿禮張宗顏狀是役  
之為日久近牆之高深長廣幾何廉費物如干創始改  
作之緒庀工之勤成功之利之美求識以文予復之曰  
世祖開物成務羣策畢舉仁廟克承先烈措注宏遠功  
不百倍不改作也臣下奉行惟謹事理之著者也記是  
誠宜然予疑是牆之始命名為何人與創始之歲果豐  
與歉或示微意於後世歟惜莫可得而知也牆非侈靡  
游觀之所國計民庸仰以給者猶必待歲豐而後作矧  
他役乎斯果作於豐年則是役不敢妄興民不敢苟勞  
財不敢徒用章章笑因其役并原其名是為記 燕石  
集

增河閘之源即昌平西山諸水入城匯於海子乃由萬

寧橋循東而南出文明門外又東過通州以入于白潞河上下幾二百里凡置閘二十有四其宛平縣境內為廣源會川朝宗閘各二其在大興縣境內海子東為澄清閘三出南水門外為文明惠和慶豐閘各二及郊亭北平津閘三自此以下至通州境內為普濟通濟廣利閘各二元至元二十九年始由都水少監郭守敬建定創開此河平章政事吉勒展董其役賜名通惠今舟運止由通州通流溥濟至大興縣平津慶豐惠和凡五



閘皆近時發軍民脩理以通漕運者其城內外舊有會  
川朝宗澄清文明等閘今皆存而不用

圖經  
志書

原永樂五年五月工部言北京文明河至通州五閘每  
閘合設船二十艘從之六年四月設北京通州惠和慶  
豐平津澄清通流溥濟六閘每閘置官一員十年五月  
浚北京通流等四閘河道共一萬七百三十丈

明成祖  
實錄

原正統三年五月造大通橋閘成行在工部請撥丁夫  
監守且以隸附近慶豐閘官從之

明英宗  
實錄

原慶豐閘在都城東王家莊至大通橋八里至元二十九年建有上下二木閘名籍東至順元年易以石改名慶豐嘉靖七年併二閘為一

水部備考

原慶豐閘主事一員管通州以上閘務設自成化間三年更代至嘉靖七年通州置郎中遂裁此員而其事併之郎中矣

同上

原平津上閘西至慶豐閘十五里平津下閘西距上閘七里俱至元二十九年建舊係木牕名郊亭延祐後易

以石改名平津

同上

原宣德七年正月重建大興縣平津閘

明宣宗實錄

原正統四年十月修大興縣平津閘十三年三月修大

興縣平津大中小三閘

明英宗實錄

原初永樂間欲通漕舟直至京城自文明門至通州置六閘俱設官吏徵取江西湖廣河南民二千三百餘人為閘夫其後漕舟竟不能至而閘夫逃亡過半宣德十年吏部侍郎趙新言閘夫逃避所司逮捕累及無辜事

下工部覆奏止將在役者存留其老疾者放還逃亡者勿追文明惠和二閘既展入城中宜罷官吏從之

明宣宗實

錄

增慶豐閘在東便門外王家店至大通橋八里元至元二十九年建上下二木閘名籍東至順初易以石改名慶豐明嘉靖七年并二閘為一又裁主事於通州置郎中兼領今有閘官又康熙中于上流增建一閘曰新建

大清

一統志

增平津閘在大興縣東有上下二閘上閘西至慶豐閘十五里下閘距上閘七里俱元至元二十九年建初為木閘名郊亭延祐後易以石改名平津明宣德七年重

建

同上

增大通橋閘在東便門外大通橋下又朝陽東直二門外橋下俱有閘其下又有迴龍閘皆

本朝康熙中建

同上

臣等謹案京城大通橋地勢較通州高四十尺全

資牐壩蓄洩河水以濟運慶豐平津諸牐創自有元明代因之弗改

本朝康熙年間復增設新建迴龍等閘規畫益臻盡善矣

原雙清亭都水張經歷幕府名

燕石集

原宋裴雙清亭春日獨坐作  
危亭獨可人  
帝城何處不紅塵  
小海浴鷺連洲暖  
宮樹啼鶯隔岸春  
不用鞭笞了官事  
笑談容得幕中賓  
同上

增雙清亭在大興縣東南通惠河上相傳元都水張經歷

園也

通志 歲輔

增宋裴春暮雙清亭小酌懷張孟功詩 吏退公庭雁  
驚行持杯暫對水雲鄉山開卷畫遙清影花落胭脂漾  
晚香酒幟隔津標柳陌漁船避浪向蒲塘懷  
人不得同相賞空賦停雲第二章 燕石集

臣等謹按雙清亭今廢

原壩河亦名阜通七壩深溝壩九處王村壩二處鄭村

壩一處西陽壩三處郭村壩三處千斯壩一處

元史河渠志

原羅壁除都水監改正奉大夫通州多水患鑿二渠以

分水勢又浚旱通河而廣之歲增漕六十餘萬石

元史本傳

原至元五年八月勅京師瀕河立十倉

元史世祖紀

原京師二十二倉萬斯北倉萬斯南倉千斯倉永平倉永濟倉惟億倉既盈倉大有倉屢豐倉積貯倉豐穰倉廣濟倉廣衍倉大積倉既積倉盈衍倉相因倉順濟倉通濟倉慶貯倉豐潤倉豐實倉

元史百官志

增世祖至元二十五年十一月以軍守都城外倉

元史兵志

臣等謹案自元迄明京庾之建置不一

本朝儲侍盈衍於京城舊制八倉外增設廩座錫以嘉



名益廣積貯詳見官署門茲不具錄

原虞集京畿都漕運使善政記 國初運外郡之粟以實京師數日以廣大江以南浮海而至者歲以數百萬石計公府之儲倚官府之廩稍宿衛之共億以及京城游食之民其用至夥而所係甚重者也舟車之輸載士卒之任負數經轉輸而至于京師者則有京畿都漕運使司以總之所領倉凡三十二一倉之官或五人或四人三人槩僅百員役于倉而食祿于官者又若干人自流運而來為是官者出納之事稍弗加謹折閱陷失有傾家辱身而不足以補之者是故朝廷常優之始授則增其秩終更則減其資蓋念其重難也然而使之無失而得善去者則槩系于司漕者之得人矣至順二年秋千斯倉使汪堦等來言于史官求文以頌運使扎薩克公程公日新與今運使劉公子闕之德其言曰扎薩克公之為人也出令曰凡倉之守吏日守其局以謹出納

非運司必有徵召之事毋敢至運司又曰凡運司之胥吏卓隸不得輒至倉所其負米于壩而入倉也關防有法役夫無所容弊故其米皆完好而不雜其出納也務為均平收支之數有所勘會止從本司揭帖圖帳申報無煩文也蓋倉庾之所患者收支已不得其精鑒其支也又疲于供應而卑隸百色之需挾上官而來干者紛然終日則不得不竊贏餘以應需求日久月深忽焉而其耗多矣今運官絕公吏之擾簡奔走之勞善出納之法列官于是者始得以效其奉公之實而無曠官之罪焉孔薩克公斷以定見程公善相之劉公善繼之此某等數十百人所以感激不忘願刻石紀善且以垂其法于後使來者之永克有濟也噫朝廷之法詳且善矣其有不至者則奉行者之過也今京畿漕運之事而三公克極其弊纔數事耳而倉庾之受賜已如此其經營之密調度之大屬吏有不得盡知者尚多矣乎夫萬仞之隄或潰于螻蟻千石之水或涸于漏卮諸公之政乃得禁

卑隸之侵漁此謂所損者小而所益者大也為政者尚鑒此而慎之乎扎薩克公蒙古人自宿衛內廷除直省舍人歷中政院同僉判中政院事積官中大夫除陰祥總管府同知程公闕人今自運使除右司郎中又除淮東道肅政廉訪使劉公青州人今在任餘官則別列于碑陰云道園學古錄按扎薩克蒙古語政也舊

作扎撒  
今譯改

原大通橋東有鹿園方廣十餘里地平如掌古樹偃仰

與高冢相錯傳自金章宗時故址

長安客話

原鹿園金章宗故園也今曰藍靛廠

帝京景物畧

臣等謹按藍靛廠凡二處一在西直門外今西頂

廣仁宮即其地一在東直門外即此條所稱鹿園遺蹟也

原距鹿園未一里為三忠祠祀漢諸葛武侯宋岳武穆

王文信公

長安客話

原三忠廟在城東都人周珍買地以建者

鮑翁家藏集

原祠後有濯纓亭亭即河之畔

帝京景物畧

原三忠祠在大通橋東里許地名槐村義士周珍購地

創建廟宇殘缺僅蔽風雨

大興縣志

原李夢陽三忠祠詩 憶昔漢孔明龍起荅三顧志決  
竟星隕嘔血為軍務鄂國與信國屹屹兩砥柱殺身不  
救國冤憤水東注往事勒鐘鼎新廟傍官路慘慘冠劍  
並凜凜生魂聚懷歎各不申翩然向烟霧我來肅展謁  
繫馬門前樹香臺野蕨生羅幔秋蟲蛭烈士為吞聲清  
風激頑懦 空同集

原何景明題三忠祠詩 三忠祠在帝城東檜栢陰陰  
沙苑風朝暮衣冠頻下馬春秋香火一開宮中原涕淚  
江山遠異代精靈廟宇同漢業崩摧如  
宋葉古今南北恨無窮 大復山人集

臣等謹按三忠祠今存

增碧霞元君廟在東直門外者曰東頂

天府  
廣紀

臣等謹案東頂碧霞元君廟今存

原廣惠寺有勅建碑

順天府志

原程敏政勅賜廣惠寺記 崇文闕之東十里而近曰  
深溝實都城孔道凡中外官僚之出入與計偕之士輸  
貢之吏兵民之漕輓商旅之走集往來之所必經顧其  
地卑下霖暑不時則泥淖轉甚行者苦之道傍古剎曰  
觀音庵莫知所從起天順初有釋宗喜來葺茅居之浚  
井以濟人渴節縮所有具畚鍤以崇其基二十年矣司  
禮太監黃公司設太監覃公過焉壯其志而憫其成之  
艱也乃各捐金拓其地鳩工庀材而遣人董其役中為  
大雄殿八楹後為大士殿八楹左右為伽藍祖師之堂  
十有六楹前為天王殿鐘鼓樓各四楹輔以長廊繞以  
大壙為山門三為石梁二凡位像之設經幢之飾香燈  
之供法所宜有者咸備固缺不踰時而得偉觀于荒墟  
灌莽之間于是覃公具其事以聞憲宗皇帝賜名廣惠  
寺俾宗喜為住持又以釋宏義為僧錄司右覺義兼住

持寶成化丁酉春二月八日也黃公名賜延平人終于  
西京守備覃公名文廣右人今掌御藥房兼惜薪司仍  
督上林苑及南海子宗喜嘗居西山有戒行得附書  
篋集

原呈甫冲廣惠寺留別子約詩 歲晏苦徂征條馬青  
春暮橋志希鴻圖陳書乃多悞悵念南山扉聊以反吾  
故煩君具尊酒送我即長路惻愴江上萍徒倚庭中樹  
攬物悲別離華髮忽已素願託采芝行或與至人遇

華陽集

原匏瓜亭在府南一十里元趙參謀別墅

明一  
統志

臣等謹案匏瓜亭已莫詳其址據析津志在燕之  
陽春門外十里陽春門金元皆為城東門又稱於

城東村構是亭言之確鑿風庭掃葉錄亦稱元時  
園亭惟此亭在城東并引王惲詩為證則其在郊  
東無疑明一統志謂在府南十里特未深考耳

增匏瓜亭在燕之陽春門外去城十里亭之大不過尋  
丈又匏瓜乃野人籬落間物非珍奇可玩之景然而士  
大夫競為歌詩吟咏嘆賞長篇短章累千百萬言猶未

已

析津  
志

增趙禹卿先世宋之汲縣人靖康之亂始徙于燕禹卿



名鼎蔭父職為員外郎陞斷事府叅謀于城東村有別墅構亭曰匏瓜故人稱曰趙叅謀匏瓜亭有王鶚記文

王磐敘文一時大老之什咸贊德云

同上

補元大都園亭多在城之西南惟趙叅謀禹卿匏瓜亭在城東故曰東阜王秋澗詩云陽春門外望東阜是也禹卿種匏以致飲具當時目曰趙匏瓜故秋澗詩又云君家匏瓜盡樽彝及禹卿既逝秋澗吊其墓復有匏瓜散落之句其園中景自亭而外有幸齋東阜村耘軒遐觀臺清斯池流憩園歸雲臺秋澗亦各有詩載其集中明一統志謂在城南十里蓋循元志之舊耳

葉錄

風庭掃

原劉因詩匏瓜墮自天中涵太虛氣造物全其真世人苦其味雖得終天年惜哉無用器伊誰窮混沌太樸

分爲二一供顏淵樂一爲許由棄顏有聖人依許達堯  
舜治天下非其責行藏適自遂秋色高箕山春風滿洙  
泗後來鼎鑄徒誰知兩瓢貴寥寥千載間復隨無用地  
神物終有歸至人可重值偉哉子趙子獨兼許顏義匏  
瓜集大成高亭挹空翠感君亭上名發我思聖唱人知  
聖人言孰有聖人志聖人心如天何時無生意時無不  
可爲人無不可致吾道苟寸施吾民猶寸庇堅白自有  
持磨涅豈吾累非不欲無言恐與匏瓜類仲子誠少野  
強直無再思聖人進退間歷歷生私議請觀欲往心豈  
與乘桴異我生學聖人栖栖形寤寐窮年憂道喪漫自  
中腸沸君子尚有爲自以無用置我才尚無用自以有  
爲觀物性雖有殊我心良可媿願君志我志才志庶相  
利使君名我名名實亦相位留彼匏中酒供我浩歌醉  
行當取其種移來易川植靜修集

補王憚題趙禹卿東臯林亭六首之三 物我同天壤  
流年遠代更高臺方畏景喬木已秋聲默驗興衰理都

忘悔吝情只須多釀酒時與故人傾築臺連野色架  
木繁匏瓜舍外開三徑壺中自一家愛吟歌白苧醺酒  
脫烏紗更喜南窓下秋風菊半華野迴門開早心閒  
起自慵林香菊社甕山暝倚吟筇半醉留佳客深耕愛  
老農晚眠誰復覺牆  
外月明春秋潤集

增外城門東曰廣渠

大清  
一統志

臣等謹按廣渠門明嘉靖時建

本朝因之

增神木廠在廣渠門外二里許有大木偃側于地高可  
隱一人一騎明初構宮殿遺材也相傳其木有神

清一大

統志

臣等謹按神木廠神木今存

皇上御製神木謠恭載卷內

補京師神木廠所積大木皆永樂時物其中最巨者曰  
樟扁頭圍二丈外卧四丈餘騎而過其下高可隱身歲  
久風雨淋漓已漸朽矣春明夢餘錄  
補北京神木廠大木俱刻字為記其上有王二姐張點  
頭嫌河窄混江龍之名皮爛心  
存對面猶不相見暖蛛由筆

增乾隆二十三年

御製神木謠 都城東有巨木焉其長六十餘尺卧于

地騎者隔木立弗相見也相傳前明時所置以應甲乙  
生氣云作神木謠 天三巽一含精腴深山大澤連林  
扶壽突靈椿忘榮枯所樂不存屣棄渠遠辭南海來燕  
都甲乙青氣鎮權輿是稱神木衆木殊春明舊蹟久聞  
予便中一覽城東隅長六丈餘卧通衢圍乃不可規短  
模歸然騎者能蔽諸四百春秋一瞬夫雨淋日炙風吹  
敷枝幹剥落摧皮膚隙孔曠菌鬱繆紆為想懷材昔奧  
區凌雲槩日垂扶疎翮集不脛曰人乎天也將以為貞

符試看虛中巨查如堯年貫月歷劫餘生育盛德隆皇  
圖

原巡撫都御史朱之馮墓在廣渠門外

順天府志

原蒯徹墓在廣渠門外八里莊古埠高可四尺墓前有

井

燕都游覽志

朱彝尊原按于欽齊秉蒯徹墓在臨淄東二里漢  
書徹范陽人高祖曰徹齊辯士故卒葬此未審孰  
是

增晉張華墓在大興縣東南六十里

一 大清  
統志

欽定日下舊聞考卷八十九



欽定日下舊聞考卷八十九舉正

歐陽原功中書右丞相政績碑原書脫末二句都  
水在唐虞為澤虞句脫都字今俱增

欽定日下舊聞考卷八十九舉正

欽定四庫全書

欽定日下舊聞考卷九十

郊坳

南一

增嘉靖三十二年十月京師外城成正陽外門名永定

崇文外門名左安宣武外門名右安

春明夢  
餘錄

臣等謹按永定左安右安三門外皆郊南地今謹依此三門方位所值及朱彝尊原書次第分晰編載至現在城坊所轄間有數處參入廣渠廣寧二

門外地者則另編入郊東西卷內以清界限庶幾  
四至瞭然可按帙而稽矣

又按朱彝尊原書內載南海子各條其地為今

南苑已恭載

苑園門茲編次郊南例不複叙

原大定四年十月命都門外夾道重行植柳各百里

金史

地理 此條原在宮  
志 室門今移改

增燕墩在永定門外半里許官道西恭立

御碑臺恭勒

御製

帝都篇

皇都篇其制甃磚為方臺高二丈許北面西偏門一以石為之由門歷階而上數十級至臺頂繚以周垣碑立正中形方而長下刻諸神像頂刻龍紋面北恭鐫

御製帝都篇面南恭鐫

御製皇都篇均清漢書

五城冊

欽定四庫全書

卷九十

增乾隆十八年

御製帝都篇

有序

帝都者唐虞以前都有地而名不

著夏商以後始各有所稱如夏邑周京之類是也王畿  
乃四方之本居重馭輕當以形勢為要則伊古以來建  
都之地無如今之燕京矣然在德不在險則又鞏金甌  
之要道也故序大凡於篇 天下宜帝都者四其餘偏  
隘無足稱軒轅以前率荒略至今涿鹿傳遺城豐鎬頗  
得據扼勢不均方貢洛乃營天中八達非四塞建康一

塹何堪憑惟此冀方曰天府唐虞建極信可徵右擁太  
行左滄海南襟河濟北居庸叶會通帶內遼海外雲帆  
可轉東吳杭幅員本朝大無外丕基式廓建兩京北京順天  
府盛京奉天府我有嘉賓歲來集無煩控御朕歡情金湯百二  
要在德兢兢永勗其欽承

增乾隆十八年

御製皇都篇

有序

皇都者據今都會而為言約形勢

則若彼詳沿革則若此蓋不如研京十年練都一紀鴻

篇巨作纂組雕龍若夫文皇傳十首之吟賓主構一篇之藻節之中和固所景仰歸於暌遇亦用興懷俊逸清新古人蔑以加矣還淳返樸斯篇三致意焉 惟彼陶

唐此冀方上應帝車曰開陽軒轅臺榭雖莫詳職方有

幽無徐梁要之幅員長且廣 叶山河襟帶具大綱列國

據此士馬強可以雄視諸南邦遼金以來始稱京 叶閱

今千載我天閭地靈信比長安長玉帛奔走來梯航儲

胥紅朽餘太倉天街十二九軌容 叶八旗居處安界疆



朱樓甲第多侯王槐市陸海無不藏富乎盛矣日中央  
是予所懼心徬徨

原世祖中統十二年于麗正門東南七里建祭臺設昊  
天上帝皇地祇位自是國有大典禮皆即南郊告謝成  
宗即位始為壇于都城南七里自世祖混一六合至文  
宗凡七世而南郊親祀之禮始克舉焉

元史祭  
祀志

臣等謹按據元史元郊壇在麗正門東南七里其  
地當在今永定門外

原至元二十四年田忠良請建郊壇于國南

元史本傳

上二

除原在宮  
室門移此

增凉水河通南海子乃所以宣洩海子所出之水

大興縣志

臣等謹按良鄉縣南亦有凉水河水經謂之樂水

與都城外之凉水河異派此河源出右安門外西

南鳳泉東流經萬泉寺分為二支一南經草橋一

北經廣恩寺俱東注永勝橋復合為一東南流至

小紅門之西入

南苑匯一畝泉及三海子諸水由五空橋出經馬駒橋東流至張家灣入潞河乾隆三十八年奉

命疏濬共修河道八千餘丈恭繹

御製凉水河詩詳注原委及疏濬事宜謹載卷內

又按馬駒橋亦稱宏仁橋乾隆三十八年修建橋

肅

御製重修碑文并橋記具紀水道分合所自因其地隸

增凉水河在宛平縣南由水頭莊泉發源東流入

南苑內經馬駒橋又東逕通州南曰南新河至張家灣

城南入白河

大清一統志

增乾隆三十九年

御製凉水河作凉水出鳳泉玉泉各別路源出京西

南分流東南注

凉水河出右安門西南鳳泉東流經萬泉寺分為二支一自南經草橋曲折東

注一自北經廣恩寺曲折東注至永勝橋復匯為一東南流循南苑繚垣而來至小紅門之西入苑牆東南流經沙底橋折而南歷頭關至二關一畝泉之水自西來匯之又南而東至鹿園村三海子以上之水自西南來

注之又東南流至五空橋出苑牆經馬駒橋迤東行至張家灣入路河北涼水河之經流與玉泉之貫繞京城入通惠河者歲久未疏剔率多成沮洳漫溢阻道途往各不相涉也

來頗致誤

自右安門至永定門地勢窪下每遇霖潦輒漫溢阻旅連歲久未治積成沮洳邇年以來

清蘆水道出山帶簡大臣董其事自鳳泉至南苑進水柵口濟河三千餘丈人自柵口至馬駒橋濟河五千餘丈修建橋牖凡九新建牖五以資節宣於是凉水河之水乃得安流無患其濟河之土則於右安門外培築甬道一千餘丈以便行人河兩岸舊有稻田數十頃又新闢稻田九頃餘均資灌溉之利或云其地似江鄉風景者不知余之意則於農旅俱受其益並非藉此為點綴也王政之一端未可置弗顧

通年治水利次第修斯處建閘蓄其微通渠瀉其怒有

節復有宣遂得成川巨川傍墾稻田更賴資稼務南苑  
紅門外歷覽欣斯遇或云似江鄉寧飾江鄉趣興農利  
旅然永言識其故

臣等謹按凉水河

御製詩恭立石於

南苑大紅門外

原邵經邦經凉水河作凉水河邊路依稀似故鄉野  
亭穿徑窄溪柳夾川長隔岸聞新曲回車露淺粧乘春  
且隨意莫負碧原在城門今移改  
霞觴宏藝錄

增

南苑大紅門外有碧霞元君廟

京城寺  
院冊

臣等謹按大紅門外碧霞元君廟土人呼為南頂

乾隆三十八年

發帑重修前殿奉碧霞元君額曰神燭碧虛中殿奉東  
嶽額曰神功出震後殿奉斗姥額曰妙握璿杓門  
外二坊左曰廣生曰長養右曰羣育曰蕃滋俱

皇上御書

原崇寧觀在府南一十里

明一統志

臣等謹按崇寧觀今無考

原駙馬都尉鞏永固墓在永定門外

大興縣志

臣等謹按鞏永固于順治十年

賜謚忠烈墓今無考

補零陵陳公純德以御史殉甲申之難楚人瘞之湖南

會館側京山貧士秦嘉系訓蒙京師積館穀三十餘金

買地于永定門外葬之立石表其墓

薊邱雜抄



臣等謹按陳純德于乾隆四十一年

賜謚節愍墓今無考

原韋公寺在左安門二里武宗朝內侍韋霽建賢竭不能竟詔水衡佐焉賜額宏善寺寺東行一折有堂堂三折有亭亭後假山亭前深溪溪里許蘆荻滿其中寺南觀音閣蘋婆一株高五六丈寺內西府海棠二株左右列寺後有柰子樹花時人多負几案攜酒肴飲樹下暮則就宿于寺

帝京景物畧

臣等謹按宏善寺在左安門外迤東魏村社正德中太監韋霽建俗呼韋公莊今園亭已圯海棠蘋婆柰子俱無存惟假山深溪在耳寺後有靜觀堂五楹尚修潔西壁有康熙初禹之鼎畫雙鶴圖東壁有陳奕禧書徐渭畫鶴賦

原韋公莊寺館俱新整而臨流一亭尤為游屐所湊隔里許有柰子古樹婆娑數畝春時花開望之如雪三夏葉特繁密列坐其下烈日不到公安袁宏道嘗謂戒壇

老松顯靈宮柏城南柰子可稱卉木中三絕云

長安客話

原章氏別業四圍多水荻花蘆葉寒雁秋風令人作江

鄉之想

燕都遊覽志

增宏善寺在左安門外所謂韋公寺也正德中內侍韋

霽建寺後有西府海棠二株高二尋每開爛如堆繡香

氣滿亭昔人恨海棠無香誤也寺東臨池一亭亭後假

山極其幽勝

天府廣紀

原王世貞集韋氏水亭詩 偶成春服始挾侶問幽蹤  
芳草近寒食空林聞午鐘驚波雙鳥出迷路一僧逢欲

欽定四庫全書

卷九十

竟名園賞亭杯感慨重 傘州山人稿

增馬之駿八月九日集韋公寺詩 蘿落荒能模庭除

爽自閒碧疎斜葉樹青削映波山如冷蟲多語天空雁

獨逐黃花虛採擷猶未破秋顏 馬仲良集

原區大相游城南韋氏園詩 暄風蕩嘉卉膏露沐時

芳休假出南園衆友與我行方塘溜清渠珍木秀通莊

谷禽選樹鳴水族近人翔素柰呈雪姿綺棠絢霞粧俯

仰茂對育羈累為之忘嘉彼中國有坐嘆此流光取快

直時物歡樂亭詎央寤言幽澗側彼子獨褰裳 海目

集

原陶望齡夏日過韋園作 清池不濡軌時有幽鷺浴

臨流微風來端坐意已足 歇菴集

增李攀龍韋氏池亭同元美子與子相賦 貫酒新豐

解佩刀相逢意氣為君豪孤亭畫敞杉松色亂石青含

薜荔高自向風塵偏勝蹟豈令湖海傲 吾曹從他桂樹

山中發招隱何勞更反騷 滄溟集

增謝榛春日同李于鱗王元美集韋氏水亭都門聯  
轡出此地訪煙蘿共酌清尊酒還成白苧歌春雲花外  
度幽鳥水邊多更擬池亭上田田採芰荷我來憑水  
檻坐久夕陽斜柳復祛塵事相將攬物華河山百戰地  
桑柘幾人家總有明春約還  
首何處花 四溟山人集

增金井在府南魏村社永樂間嘗駐蹕于此飲而甘之

遂命甃焉

天府廣記

臣等謹按魏村社金井今湮廢無考

原海會寺穆宗受釐之地萬歷增修極其闕麗今則零

落無存矣

行國錄

原在南城今移改

臣等謹按海會寺在左安門外迤西馬家村明嘉靖間建萬歷間增修

本朝順治年間重修乾隆二十二年復加繕葺正殿恭  
懸

皇上御書額曰覺海津梁殿前恭勒

御製詩碑寺內明萬歷二年碑大學士張居正撰又有  
本朝順治十七年宏覺禪師道志所撰碑

增乾隆二十二年

御製海會寺詩 城南佛宇道東陞慶落重看綽楔碑

寺建于明神宗時有張居正碑文歲久頽圯因見說神  
勅重修時甫落成因往南苑之便一臨瞻禮

宗受釐處更思張相迂衡時往來久是惜零落此寺為南苑住

來必經之路少年時即見其零落矣近以帝京觀瞻所  
繫凡傾圯不堪者或歸併淨除或量加修葺所司適告

工峻構築無過葺廢頽帝里觀瞻法輪奐寧闕修福六檀

施

原張居正重修海會寺碑 海會寺在都城之南創于  
嘉靖乙未穆宗皇帝常受釐于此皇上即位之二年聖  
母慈聖皇太后出內帑銀即其地更建焉會游僧有范  
成銅像一軀無所庇覆司禮監太監馮保請移置其地

欽定四庫全書

卷九十

復出內儲大木以為殿材中為殿三皆三楹方丈一凡五楹鐘鼓樓二配殿十二禪堂十僧房四十有奇前為山門繚以周垣又於其外拓地六原在南城頃以為焚修供具之資太岳集今移改

臣等謹按范銅佛像今在寺之正殿

增僧道志重修海會寺碑畧都城之南有寺曰海會者昶于嘉靖乙未之歲世穆二廟成命僧代度于此至萬歷元年慈聖太后復發帑金命內臣撤其圯壞而增修之江陵張相國為文記其事詳且悉矣

今上受天眷命撫有萬方維時順治丙申歲久寺額都人士謀欲鼎新乃剏贖命本寺僧走江淮請今憨璞聰公住持是刹首創濟宗禪衆川趨宗風大振丁酉上狩南苑因幸寺延見聰屢召入

禁庭問佛法大意奏對稱旨日昨



上謂志曰朕初雖尊崇象教而未知有宗門者舊則自懸璞固有造于祖庭者也聰公住海會凡五載嚴宇廊廡與鐘鼓樓閣山門之屬煥然一新丐予言記之以昭示後人使永為十方常住不墜宗風焉

順治十七年孟秋立

原弘治十四年五月內官監太監李興請建僧寺一所于大興縣東臯村以僧錄司左覺義定錡住持仍乞賜寺額獲勅又以寺西有官路不便乞以其私地易路東首舊官地得旨陞定錡為右講經兼本寺住持賜寺額曰隆禧程科都給事中竄舉劾之謂陛下即位以來未聞修建寺院亦未聞輕賜寺額蓋陞僧官今興乃恃恩陳請作俑建寺罪一自知私創非宜奏乞寺額又請獲勅使天下後世譏議陛下罪二興猶恐朝廷不信以祝延聖壽為辭夫內官修建寺觀不過自為身後香火之供其于聖壽何預詞屬欺誑罪三且無故乞陞僧官致姦僧得志有違恩典罪四又首指之地乃祖宗用以牧

馬之所今以其私便輒欲易之恐自今責成之臣但其莊所接壤官地皆援此例允易變亂成法罪五伏望斷自宸衷毀所建寺罷寺額進勅不許允易首肯地仍號定錡職治以死以為姦僧交通內臣壞法者戒奏入命所司者詳以聞禮部復奏請如舉言上置勿論既而戶部又奏首肯地宜改正還官從之 明孝宗實錄

臣等謹按隆禧寺在左安門外迤西東畢村有弘治十四年禮部尚書張昇碑萬歷二十二年住持

僧正先重修亦有碑

增張昇隆禧寺碑畧 都城南不十里猶郊墻折而東有寺鼎新壯麗殊甚乃太監李興創造也肇工于弘治十三年七月訖工于次年五月上聞而嘉之賜額隆禧命僧錄司右講經定錡主之弘治十四年十一月立

增采育乃古安次縣采魏里也明初為上林苑改名蕃  
育署而人仍呼采育合新舊而名之也去都城七十里

春明夢  
餘錄

臣等謹按采育在左安門外五十五里居民數千  
家為畿輔首鎮

本朝分設巡檢一員專駐其地明時蕃育署今已廢僅  
存遺址

增永樂五年設上林苑監蕃育署典署一人署丞一人

錄事一人洪熙中以良牧川衡二署併蕃育

明史

原蕃育署首良牧林衡嘉蔬所謂外光祿也統于上林苑署即皇莊不隸京府乃勝國時沙漠地永樂二年移山東西民填之有恒產無恒賦但以三畜為賦計營五十八舊有鵠鴨城

耳譚

臣等謹按鵠鴨城今無考

原永樂初設上林苑監于京師取山西平陽澤潞之民充之使蕃育樹藝以供上用時止設文官後增設內臣九員至弘治間新增至一十八員正德間添設總督僉書監工等名至九十九員于是科擾百出節年通計誅

永至銀三十五萬餘兩遍死人命數多上登極詔  
汰革之止存一十九員民始稱便 明世宗實錄

原義犬菴在藩育署萬歷中菴犬搏隣鷄隣以詬主  
僧宗住宗住執犬佛前撻之他日復犯宗住縛置將以  
就屠犬撐住作乞憐狀宗住曰汝能悛尚可宥也因祭  
石作窋高不踰尺置犬其中犬自是蟠跼窋中不出食  
避葷腥一日到佛前伸兩足伏首作頂禮狀宗住知其  
且化去為誦涅槃經送之始化菴以此得名耳

臣等謹按義犬菴今無考

原采育東南二十里有阜高一丈廣三四十尺曰聚燕臺歲秋社燕辭巢日必各將其雛數十百聚此臺呢喃

一二日然後分翔而去

帝京景物略

臣等謹按采育東南十里許即屬東安縣境聚燕臺今無考

增乾隆三十六年

御製采育里詩 京南富庶村廩名采育里輕輿村外過老幼路旁跪去歲此被潦謂當艱窘矣審視無菜色

衣暖面多喜急賑及大賑加賑二月裏有司善推行想  
皆實澤被叶然未經見者正復不少耳

臣等謹按卷中

御製詩恭載初見之什餘不備錄

增明李元宏聚燕臺詩燕來各有巢燕歸云有國秋風吹古臺社散燕來即嘈雜萬聲中去住兩心逼曰余巢此都歲見離舊息巢也無感哀居者易興草畫蔭去年如故人覓不得昨過棘籬邊故人瘁顏色舊德勝新巢移共汝惻惻豈無新鮮泥愛惜舊心力帝京景物畧

增廣恩寺在菜戶營

五城寺院冊

臣等謹按廣恩寺在右安門外西三里菜戶營舊名清勝寺俗呼周橋寺寺有燕山府清勝寺慈慧大師塔幢一宋宣和七年建按宋史宣和五年金以燕京及涿易等六州還宋至七年十月宋郭藥師始以燕山叛降金此幢是宣和七年二月所立彼時地猶屬宋故幢內以宣和紀年耳

增沙門圓成等燕山府清勝寺故講經律論提點慈慧大師實德記畧師諱惠恩俗姓和氏本燕人也父授龍門縣令五歲依止大興教寺山主上人為師九歲受具自前朝時大崇佛教帝重釋門師乃三十因巡叅訪



雲水閑遊屆長春州講演約被徒衆千人改為詮秘大  
德時年四十有九兼樞密大王先祖墳山持課講經律  
論三載不闕特奉上命授宣密大師又至天慶年間便  
住清勝一藍兩街僧錄高上師流無不舉唱又改授慈  
慧大師七衆咸欽二乘歸仰起遠公于廬山越羅什于  
秦代歸義聞之堅請師之住止方今時歲晏清天下一  
統師因屆小藍閑居白業忽然聲捨分寸不畜知聖時  
逆色身趣寂至二月二十七日歸真俗年八十一僧夏  
七十二門徒七人依師遺囑白蠟火化焚于靈骨感頭  
之不壞舌之不衰牙齒盡變曼陀之花香觀皆作蓮花  
之狀始建法幢上錫觀音菩薩并刻尊勝陀羅尼附葬  
于瑩石之前門資沙門圓成圓念圓通圓智圓才圓惠  
圓果宣和七年二月十三日吳時建  
增南清勝寺在舊城請潤公長老住持有曰十分好月  
誰家池沼不能來一片閑雲是  
處巖巒皆可住 圓經志書

補崇禎丙子帝以宮中累朝所奉佛像盡發僧寺戊寅詔武清侯助軍餉百萬侯時家產已落以甲第及海淀別業售於人不足扇珥珮帨之屬悉鬻諸市及悼靈王病篤帝臨視之王指九蓮菩薩示現空中數帝之罪言訖而薨帝大悔命建佛寺于草橋之北額曰九蓮慈蔭寺時崇禎十五年也寺基舊屬嘉蔬署周圍地一頃有餘內官監太監王德化疏請歸寺徵租督工者中官于輸曜也入山門為佛殿殿後建閣以奉九蓮菩薩宮中

出繡佛襴徧挂于殿壁寺之西數十步即碧霞元君廟  
土人號為中頂者是也

寄園寄  
所寄錄

臣等謹按九蓮慈蔭寺在右安門外三里前為天  
王殿中為萬德殿後為地藏殿而無閣正殿之兩  
廡曰敏慧殿善法殿其右廡有悼靈王像

原右安門外南十里草橋唐時有萬福寺寺廢而橋存  
天啟間建碧霞元君廟其北土近泉宜花居人以種花  
為業冬則蘊火暄之十月中旬牡丹已進御矣橋去豐

臺十里中多亭館元庶右丞之萬柳堂趙參謀之匏瓜亭栗院使之玩芳亭要在彌望間然莫詳其處矣

帝京景物

略

臣等謹按草橋在右安門外碧霞元君廟在橋北數十武土人呼為中頂乾隆三十六年

發帑重修前殿奉碧霞元君額曰資生溥化中殿奉東

嶽額曰大德曰生俱

皇上御書廟有康熙中大學士王熙李天馥二碑

又案瓠瓜亭詳郊坳東卷內萬柳堂玩芳亭詳本  
卷

原草橋衆水所歸種水田者資以為利十里居民皆蒔  
花為業有蓮池香聞數里牡丹芍藥栽如稻麻然諸花  
悉備獨不能養蘭惟萬明寺有蘭數本

燕都遊  
覽志

臣等謹按萬明寺在阜城門闕外詳見郊坳西

原燕地苦寒江南羣芳不易得即有攜種至者僅可置  
盆盎中為几席玩其有進御者皆為火迫而發日月朝

夕之艷無經歲計也

長安可  
遊記

增土以泉故宜花居人遂以花為業都人賣花擔每辰  
千百散入都門凡花歷三時者長春也紫薇也夾竹桃  
也香歷花時開謝者玫瑰也非花而花之者無花果也  
草橋惟冬花盡三季之種坏土窖藏之蘊火坑暄之十  
月中旬牡丹已進御矣元旦進椿芽黃瓜其法自漢已  
有之漢世大官園冬種蔥韭菜茹覆以屋廡晝夜燐煜  
菜得溫氣皆生

帝京景  
物畧

原馬之駭秋日草橋作 白屋村村度青帘面面迎野  
溪殘雨入側樹早陰生梨棗過橋色鷄豚近市聲未論

邱輿壑出郭已多情 馬仲良詩集

增管紹寧集草橋莊詩 官閒更喜調相同把手郊園

興未窮一曲水環魚藻綠幾肩花過石橋紅柳陰落日  
帘斜出荷氣微風香暗通池上客逢蒸火夜霜星應曜

尾箕中 帝  
京景物畧

原萬柳堂在府南

紀纂  
淵海

原萬柳堂在府南元庶希憲別墅

明一  
統志

臣等謹按萬柳堂朱彞尊原書因遺址無考故入

城市存疑條下今按劉侗帝京景物畧稱在草橋

豐臺之間謹移入郊南以識其事而舊蹟無可訪  
矣

原廡希憲園名花幾萬本號為京城第一

清客居士集

原時營繕東宮工部官請曰牡丹名品惟相公家乞移  
植數本太子知出公家矣公曰若出特命園雖先業一

無所靳我早事聖主備位宰相未嘗曲乞恩澤方爾病

退顧以花求媚耶請者愧止

元名臣事畧

原野雲廡公於都城外萬柳堂張筵邀疎齋松雪兩學



士歌姬劉名解語花左手折荷花持獻右手舉杯歌驟  
雨打新荷之曲松雪喜而賦詩曰萬樹堂前數畝池平  
鋪雲錦蓋連漪主人自有滄洲趣游女仍歌白雪詞手  
把荷花來勸酒步隨芳草去尋詩誰知咫尺京城外便  
有無窮千里思

樂全堂  
廣客譚

原京師城外萬柳堂亦一宴游處也野雲廬公一日置  
酒招疎齋盧公松雪趙公同飲命歌兒解語花歌小聖  
樂行酒小聖樂乃小石調曲元遺山先生好問所製名

姬多歌之俗以為驟雨打新荷者是也

輟耕錄

原野雲廬公未老休致其城南別墅當時稱為廬園花園村之名起此內有清露堂扁至大戊申八月其甥疎仙萬戶後更號酸齋與許叅政有壬同游主人命二分賦長短句有壬得清字即席成章調寄木蘭花慢主

人喜甚榜之堂上

長安客語

原貢奎集廬園詩宿雨洗炎燠聯車越城闕廣屋隘深溼飛棟栖連閣行經水石勝稍見花竹環陰靜息影跡窈窕紛華丹旆競是非責侃侃賓友閑蔬食嘗苦飢世榮竟何攀學仙本無術即此超塵寰雲林集

補王憚秋日宴廬園清露堂和韻詩 何處新秋樂事  
嘉相君絲竹宴芳華高雲錦席翻涼吹翠葦紅粧簇藕  
花照眼東山人未老舉頭西日手頻遮賓筵醉裏聞佳  
語喜動金拌五色瓜 秋潤集

原許有士木蘭花慢詞 渺西風天地拂吟袖出重城  
正秋滿閒園松枯石潤竹瘦霜清扁舟采菱歌斷但一  
泓寒碧畫橋平放眼奇觀臺上太行飛入簾櫳主人聳  
利一毫輕愛客見高情便芟剝驪珠蓮分冰蘭酒注金  
餅風流故家文獻况登高作賦有諸甥清  
露堂前好月多情照我題名 圭塘小藁

原玩芳亭在府南元栗院使別墅

明一統志

以上九條原  
在存疑門今

改移

臣等謹按玩芳亭朱彝尊原書入存疑條下今依

劉伺帝京景物畧移入郊南而舊蹟已失其處矣

增玩芳亭在燕京東營內乃栗院使之別墅一時文彥

品題甚富

析津志

原馬祖常都城栗氏玩芳亭詩 歲序惟人老韶華逐  
酒濃開尊應數數開戶豈重重花朶山猿折齋池竹笋

供京塵衣不染猶得媚春容 石田集  
原又城南絕句 栗侯亭前花一國客來日日費金錢

明朝碧樹春城合恨不江東問酒船 同上  
原王士熙題玩芳亭詩 每憶城南路曾來好畫亭蘭

花經雨白野竹入雲青波影浮春砌山先撲畫局塞衣  
對蘿薜涼月照人醒 何處春來好城南尺五天地幽

迷晚樹花重壓春烟上客拋羅袂佳人舞畫筵晚來清  
興熱移生曲池邊 留客青春過題詩碧露寒亂鶯穿

舞障輕蝶立迴闌白日閒斟酒清時早挂冠主人多雅興不覺玉卮乾拂拭亭前日東風屋角生淺雲浮水動遲日傍花明春去青林合人來白鳥迎暮塵回首處此地可忘情美酒朝朝熟佳賓日日來玉卮擎雨露翠袖拂塵埃預恐春城閉先教晚騎迴只今行樂地飛絮落莓苔皇元風雅

原薛元卿燕栗總管玩芳亭詩栗氏林亭好南鄰借馬游樂欄富户密花徑近城幽未許朝參懶脚因逸興留使君行樂處風物以上四條原在為春柔文翰類選存疑門今移改

增遂初堂元詹事張九思別業繞堂花竹水石之勝甲

於都城

天府廣紀

臣等謹按張九思遂初堂孫承澤天府廣紀亦系

之草橋河各條下然其蹟已無可考

增余遊祖氏園中有古池臺云是元人舊蹟然無從考

其為何氏園也

天府  
廣紀

臣等謹按祖氏園遺址今廢

增金太祖武元皇帝平遼碑在南城豐宜門外史臣韓

昉撰文宇文虛中書

金臺  
集

臣等謹按金制南郊壇在豐宜門外方丘在通元門外蓋豐宜乃正南門通元乃正北門也王惲玉



嚴秘園後有小亭四旁卉木成列峙二靈壁石於巽坤

隅

燕石集

以上三條原在宮室門今移改

臣等謹按宜泉橋今無考

原却經戊午清明日大城南讀金太祖睿德神功碑詩  
雜花裝樹燕草綠珠翠重重擁燕玉踏青車騎各一  
簇巉天一碑杏梢出彈肩垂袖立馬看穹龜交龍勢屈  
蟠四面渾錫堆字山填金刻盡黑獵斑斑頭遷史學舜  
典序字班書雜文選銘章生民麗且婉太祖帝紀都一  
卷初賄肅慎兆已陳日出之國生聖人周雖舊邦命維  
新不事殺戮義與仁海青一翅海西落兩國君臣俱不  
覺鷓鴣聲衆降王縛漢民不失生聚樂平地突起金天  
龍面如紫玉真英雄化行江漢服羗戎百年以來誇俊  
功參用遼宋為帝制文采風流幾學士磊磊高文辭稱



事卓冠一代誰復似汴亡文物委地環不收獨有此碑  
岌岌在幽州荒烟莽蒼無人讀使我掩面涕四流鄭王  
已自唐甘露故龍移來立新墓小民世情多忌諱更欲  
去徐誰愛護不久撲仆野火焚後人不復見此文攀花

再請傾一樽朗詠直過宣陽門

陵川集

原果羅洛納延詩 十文豐碑勢倚空風雲猶憶下遼

東百年功業秦皇帝一代文章太史公石斷龍鱗秋雨  
後宮封豨肯夕陽中行人立馬空惆悵禾黍離離滿故

宮金

臺集

原拜郊臺在府西南七里金大定間拜天於此

明一統志

臣等謹按拜郊臺今無考朱彞尊於豐臺按下以  
為疑即拜郊臺亦係約畧言之初無確證也

原金因遼舊俗以重五中元重九日行拜天之禮重五

於鞠場中元於內殿重九於都城外

金史禮志

增郊天臺在京城之南五里有壇設郊祀署主之累朝

故事至治三年冬上親祀至正十五年冬至日上再祀

金大定十一年拜郊所建國朝因之事實備載太常

析津志

志

原今右安門外西南泉源湧出為草橋河接連豐臺為

京師養花之所元人園亭皆在於此

春明夢餘錄



門也豐臺疑即拜郊臺因門曰豐宜故目為豐臺  
云爾

增豐臺在宛平縣西草橋南接連豐臺為近郊養花之  
所元人園亭皆在此今每逢春時為都人遊觀之地自  
柳村俞家村樂吉橋一帶有水田橋東有園其南有荷  
花池牆外俱水田種稻至蔣家街為故大學士王熙別  
業向時亭臺極盛今亦荒蕪矣其季家廟張家路口樊  
家村之西北地畝半種花卉半種瓜蔬劉村西南為禮

部官地種植禾黍豆麥京師花賈比比於此培養花木  
四時不絕而春時芍藥尤甲天下泉脉從水頭莊來向  
西北流約八九里轉東南入

南苑北紅門歸張灣水清土肥故種植滋茂春芳秋實  
鮮秀如畫誠此地難得之佳壤也

京城古  
蹟序

增乾隆三十九年

御製豐臺作 豐臺仍是舊名呼接畛連畦種植俱點  
綴韶光寧可少偷移天巧得曾無幻開頃刻欺殷七下

欽定四庫全書

金定四庫全書  
卷九十

策火攻學阿奴日下南門精數典謂當花事祝蕃廡

日下

舊聞引析津日記謂豐臺之名不知所始朱彛尊按以豐臺疑即拜郊臺因南門曰豐宜故目為豐臺云云其解未確考豐臺為京師養花之所元人園亭多在內地豐蓋取蕃廡之義臺則指亭臺而言耳

增乾隆四十一年

御製豐臺行 廣甸遙迤臨豐臺豐臺村景殊他哉郭

駝遺風雜樹種殷七妙術繁花開樹種花開今復古

豐臺

植花木自勝朝已然見日下舊聞村人世業如商賈何不治田為農夫

惜矣墾植斯膏土更思敷治在順民百萬億分斯一分

豐臺種花樹之地在京城所失或多得或少如禁其種

內不過億萬分之一耳  
種田則失業者法令禁制徒紛紜冬雪春霖今歲好媽

或反致多耳  
紅姹紫看夾道黃荃畫中五里行李賀詩囊益不少勝

朝酬唱多雅人飲酒挾妓遨遊頻百年來却鮮繼者亦

足以見風俗淳

增王士正豐臺看芍藥詩  
回首旗亭畫壁時重來已是十年遲應劉逝後風流盡只有恒河照鬢絲宮錦

千絲費翦裁記他婪尾殿春杯老顛騰欲相料理乞取齊奴步障來雨雨風風態自殊花花葉葉不曾孤更

添鍊鵲和蟬蝶便是徐熙六幅圖  
花枝姪姪雨蘆纖鬢絲禪榻心情改閑看兒郎插帽簷

欽定四庫全書

卷九十

漁陽詩集

增陳維崧豐臺看花歌

南人為園種花蓋北花只在

野田裏園裏栽花愛惜多花時其奈狂風何田裏栽花  
不如草偏到開時花倍好燕市風光穀雨餘豐臺芍藥  
弄晴初絕憐紫艷紅香隊不在高樓小院居疇醉曲欄  
供掩映誰添軟慢助扶疎空村細雨行人摘破廟斜陽  
野叟鋤今年偶向花間走狼籍嬌香一回首人世遭逢  
亦復然沈吟且進杯中酒更憶睢陽看牡丹紅歐碧  
望中寬我憐青帝千堆錦人作神農百草看刈去宋清  
簾底買捆歸扁鵲市中攤將花持比南中菜菜亦南中  
有人愛君不見四月東吳賞菜花千園繡幄爛朝霞此  
間芍藥如泥賤苦賞瓜萋共一車

湖海樓詩集

增沈德潛豐臺看芍藥詩  
豐臺遠近並栽花拄杖敲  
門野老家隨意殿春寒一朶狂來欲插帽檐斜柔枝  
穠態若為情客裏看花眼倍明畧似少陵臨水見五家  
合隊麗人行文憲雕砌付蒼煙開到名花轉可憐猶



有園丁開把耒逢人還訴舊平泉  
風流七子憶南皮廿年鳥影匆匆過  
五對名花看翳絲

歸愚

詩鈔

補豐宜門外西南行四五里有鄉曰宜遷地偏而囂遠  
土腴而氣淑郊邱帶乎左橫岡亘其前中得井地三九  
之一卜築耕稼植花木鑿池沼覆簣池旁架屋臺上隸  
其榜曰遠風以為歲時賓客宴游之所者韓氏之昆仲

總管通甫判府君美也

秋澗集

朱昆田原按今之豐臺疑即遠風臺之遺址

臣等謹按前條豐臺下朱彛尊按語云疑因門曰  
豐宜目為豐臺昆田又云疑為遠風臺似俱涉傳  
會矣

增韓御史先世禹城入城南遠風臺為別墅諸老有詩

析津  
志

補王惲寒食日韓氏南莊燕集詩 重城鞍馬壓紅塵  
春草池塘發興新自擬嘯歌知道在不分賓主更情親  
青山似喜談時事白髮空慚滿領巾默數  
向來投轄飲不應驚坐獨陳遵 秋澗集

朱昆田原按韓氏南莊即遠風臺

臣等謹按韓氏遠風臺今無考

增葆臺在南城之南去城三十里故老相傳明昌時李妃避暑之臺無碑志有寺甚壯麗乃故京藥師院之支

院也

析津志

臣等謹按葆臺及寺今俱無考

原百泉溪在府西南一十里麗澤闕平地有泉十餘穴

匯而成溪東南流入柳村河

明一統志

原百泉地卑泥濘四時不乾一僧誓填之功未就旋壞

已數年矣

燕石集

原宋聚南城俚歌 柳村南路百泉涌陷車躓馬沮洳

深熒熒一僧力負土治道不成徒苦心

同上



欽定日下舊聞考卷九十